

on 04 April 2014

Bank Rakyat Serah Sumbangan kepada Majlis Perwakilan Pelajar (MPP) UNIMAS



KOTA SAMARAHAN, 4 April 2014 : Bank Rakyat cawangan Samarahan dan Simpang Tiga hari ini telah menghulurkan bantuan sebanyak RM5,000 kepada Majlis Perwakilan Pelajar (MPP) Universiti Malaysia Sarawak.

Sumbangan tersebut adalah tanda sokongan padu Bank Rakyat kepada aktiviti pelajar UNIMAS, khususnya untuk penganjuran Majlis Anugerah Pelajar UNIMAS (MAPU) yang akan diadakan pada 14 April depan.

Penyerahan sumbangan tersebut telah dilakukan oleh Pengurus Bank Rakyat Cawangan Simpang Tiga, Encik Shuib bin Ahmad kepada Naib Canselor UNIMAS, Profesor Dato' Dr Mohamad Kadim Haji Suaidi bertempat di Rumah Universiti.

Ini merupakan kali kedua buat Bank Rakyat menghulurkan sumbangan bagi MAPU.

MAPU merupakan majlis anugerah pelajar universiti ini yang mengiktiraf penglibatan dan bakat pelajar UNIMAS yang berbakat dalam pelbagai bidang antaranya bidang sukan, seni dan budaya, akademik, persatuan dan sebagainya.

Turut hadir pada majlis tersebut ialah Timbalan Naib Canselor (Hal Ehwal Pelajar dan Alumni) UNIMAS, Profesor Mohd Fadzil Abdul Rahman, Pengurus Bank Rakyat Cawangan Samarahan, Encik Faishal bin Salleh, dan wakil Majlis Perwakilan Pelajar UNIMAS.

Artikel & Foto oleh : Sarena Haidir || Bahagian Perancangan & Komunikasi Korporat